

楊襄毅公本兵疏議

續纂公本兵疏議卷之八

累給事中王治申明督撫總兵等官職掌

孫兼太子太保兵部尚書臣楊博等謹

為陳愚見以裨聖治事職方清吏司案呈奉本部

選准吏部咨該吏科給事中王治題奉

聖旨該部知道欽此咨部選司卷查先為遵奉

勅諭經略大同邊務事該總督宣天山西軍務太子少保

本部尚書楊博條陳一款申明職守內稱各邊以後

遇有斬獲之功以親臨戰陣為主首敘總兵之功督

撫止於賞賚如偏裨有功總兵官不在戰陣亦止議

賞本兵與巡按御史通不許論功已經覆奉

欽依通行欽遵外今該前因查呈到部看得吏科給事中

王治所題極稱邊臣欺詐驕縱之弊乞要申明職務

禁止宴樂各一節為照各督撫鎮巡等官每遇廂警

往往互相隱匿不以實報其弊在於職守不明文臣

有冒功之望武臣懷畏罪之心臣博往年經略宣大

之時已嘗備細言之至於大張宴會備極侈奢雖未

必各鎮皆然揆之禮法均為未當所據給事中王治

具題前因無非整飭邊紀之意相應通行釐正合候

奉命下備行各邊總督鎮巡等官各照原議職守分任責成

督撫官督率兵備等官專任兵糧之責總兵官督率
叅遊等官專任戰鬪之責今後遇有軍功巡按御史
備查總兵以下果係親臨戰陣方論首功督撫文臣
總兵官不曾臨陣者俱止議賞虜至之時地方有無
攻毀殺擄務要從實奏報不許止報斬獲虜退之時
軍民作何犒賞優恤務要加意處置不許張筵宴樂
如再仍前欺詐驕縱悉聽巡按御史指名查叅以憑
究治嘉靖四十一年正月初九日題奉

聖旨是欽此

覆陝西督撫官程軌等傳報虜情中飭後備疏

題為達賊入犯事職方清吏司案呈奉本部送兵科抄出總督陝西三邊軍務都察院右副都御史程軌題奉

聖旨兵部知道欽此又該巡撫陝西等處地方都察院右僉都御史裴紳揭帖為傳報緊急聲息事揭報到部送司案呈到部看得陝西督撫都御史程軌等題揭內稱本年十一月二十四日達賊五千餘騎從寧夏安定堡進入鉄柱泉等處搶掠一節為照前項達虜入冬以來聯營疊帳俱在花馬池一帶牆外住牧時遣零騎出沒乃今擁衆五千深入鉄柱泉等處

草枯水凍猖獗未已甚非虜情之常目今之計第一
在於錢糧不乏第二在於督撫得人總督程軫近奉
明旨革任開任新推總督喻時相去頗遠誠恐程軫坐待
交承漫不經理未免重致誤事相應通行申飭合候
命下移咨程軫嚴行寧夏固原鎮巡等官文書到日賊如
尚未出境督率叅遊守備等官各照信地相機戰守
併力驅逐如賊先已出境即將應脩邊牆應繕墩堡
及早議處合用錢糧查照先奉

欽依事理於陝西布政司官銀內那借應用一面移咨都
察院轉行陝西巡按御史將賊經地方逐一查勘要

見有無殺傷官軍搶虜人畜攻毀城堡應叅應問人員從實回奏本部一面馬上差人催促喻時作速到任接管行事嘉靖四十一年正月初十日題奉
聖旨是欽此

議發馬價銀兩買給宣大薊鎮軍民牛種疏
題為雪澤普降乞

恩處給牛種以脩農政以惠邊人事職方清吏司案呈照得即日天降大雪審據宣大薊鎮公差員役俱稱雪足但恐邊人缺乏牛種足食足兵事體相關呈乞查處案呈到部臣等仰惟

皇上誠感上玄惠流下土茲者候端伊始雪澤屢降真為
盈尺之祥行見千箱之慶但宣府大同薊鎮三處逼
隣虜境十室九空即目春融正當佈種之時或有牛
無種或有種無牛遷延過時自絕秋成之望臣博向
在石衛固嘗目擊其苦若使因天之時順地之利稍
為流給計種一石可得子粒數石富民以裕國足
食以強兵比之歲荒召買之費月糧折支之艱曷啻
倍蓰戶部帑銀見稱缺乏本部馬價數雖不多尚可
措置係于邊計不敢自分彼此相應通行議擬合候
命下劄行太僕寺於馬價銀內動支三萬兩宣府大同薊

鎮各發一萬兩差官分解巡撫都御史趙孔昭陳其
學徐紳處責委各該守巡兵備等官收買各樣種子
沿邊軍民中審其十分貧乏者分等查給合用牛隻
官為勸借令其趁時佈種秋成之日抵斗還官另立
小倉收貯專備來年給種支用巡撫衙門仍置循環
文簿二扇年終赴部倒換查考嘉靖四十一年正月
十一日題奉

聖旨這所奏足見用心邊政銀兩准給發各鎮着實舉行
欽此

覆宣大總督都御史李文進等奏報逆富殛死疏

題為仰仗 天威逆賊伏誅事職方清吏司案呈奉本部送兵科抄出總督宣大山西等處地方軍務兼理糧餉都察院右副都御史李文進巡撫大同地方贊理軍務都察院右僉都御史陳其學題俱奉

聖旨兵部知道欽此抄出送司案呈到部看得大同督撫官都御史李文進等題稱四十年十一月初八日逆賊丘富攻榆坡等墩官軍射傷山營身故又據窯子頭墩軍王成報稱達賊叫哇四傳說丘富病死緣由及稱叅將麻祿等似應錄賞降人聶良儒并各墩探報人等亦應量賞被執今回劉晉臣等似應曲宥優

錄各一節為照逆賊丘富本以華人甘為虜後攻圖
右衛戍數萬之生靈騷擾西京竭五郡之膏血彌天
之罪罄竹難書蓋世之惡擢髮未盡仰伏

聖皇在上加意遘民上祈玄穹之祐靈貺允孚下懸伯爵
之賞罪人果得神奪其魄值黃風蔽日之辰天厭其
兇當朔易玄冬之候身屍為虜焚燒立成灰燼妻孥
被虜滯蕩坐見陵夷

神功聖武臣等淺昧何所揄揚伏望擇日謝玄以荅

上天之眷以慰邊士之心臣等無任惓惓懇切之至及照
總督都御史李文進巡撫都御史陳其學屢建搗巢

之議同懷報國之忠執馘之功雖未有成擒逆之
略亦難輕泯似應各加賞賚將麻祿等并降人冉
良儒及各墩嘯報人等通聽軍門分別犒賞守備劉
晉臣始而力戰被擒終能奉身歸正情安可原似應
免究嘉靖四十一年正月十五日題奉

聖旨這逆賊背華道虜掠邊境罪不容誅茲賴上
天肆殛誠當仰感

謝典候旨行李文進陳其學各賞銀二十兩紵絲二表裏
麻祿等着軍門分別犒賞劉晉臣准免究欽此

再議巡撫江西都御史胡松會兵合勦事宜疏

題為乞審事體酌時宜以申嚴軍政弭塞禍源事職方
清吏司案呈該巡撫江西等處地方兼理軍務都察
院右副都御史胡松題內一款申明夾攻以一事體
該本部議覆題奉

聖旨會兵合勦事宜還詳計來說其餘依議行欽此欽遵
抄捧送司案查先該巡按江西監察御史段顧言題
開欲要四省督撫諸臣同心共力定約興師早圖大
舉抑或以四省道路相去甚遠約會頗難欲要本部
議覆廣兵自某月日某處進閩兵自某月日某處進
南贛之兵自某月日某處進江西浙江之兵作何赴

援防過各定以

欽限不得違悞等因該本部議得合無馬上差人齎文交與總督浙直江西尚書胡宗憲提督兩廣侍郎張臬巡撫福建都御史游震得巡撫江西都御史胡松提督南贛都御史陸穩各要同心協力約會亭當廣兵開兵南贛兵俱限明年二月各酌量要害處所相機進勦江西浙江發兵應援防過事在關外應勦應撫并未盡事理悉聽彼中劑量本部不相遙制題奉聖旨各省會兵進勦事宜各該督撫官計處停當協力舉行務在賊寇盡絕地方寧靜或推諉悞事着胡宗憲及

各該紀功巡按御史叅奏治罪欽此欽遵外今該前因案呈到部看得會兵合勦一事本部先揆其端猶為億度之詞御史段顧言後竟其說得之聞見之切顧言之意大率謂四省相去甚遠約會頗難欲將廣兵閩兵南贛之兵各定日期各自某處進入盖因閩廣南贛俱有賊巢我兵一時並勦使其彼此不相顧盼不能奔逸在我則千里之遠聲勢聯絡勢不同而心同在彼則一膜之隔氣脉斷絕人雖多而寡助已蒙聖明俞允令其計議停當協力舉行固非為四省之兵同搗一巢也事不由於中覆兵實付於外間至於浙江

江西之兵止言應援防遏不言進剿乃因彼處原無賊巢其理可以槩見臣等反覆參詳御史段顧言都御史胡松先後所議不甚相悖即今江西地方雖稱暫寧閩廣巢賊居然尚在譬之洪水上流方在澎湃下流難免衝突或塞其源或殺其勢無容但已但用兵之事不難於人力而難於同心臣等謹將應行事宜忘其愚陋開坐上請伏望

皇上俯賜裁定

勅下遵行地方幸甚嘉靖四十一年正月二十八日題奉聖旨依議行段顧言巡按事畢准留紀功協贊兵事欽此

一正賊名臣等議得用兵之法殲厥渠魁脅從罔治
今之巢賊在南贛則程鄉林朝曦戕殺憲臣在廣東
則饒平張璉僭明號大埔蕭雪峰比周為黨在福
建則上杭李占春蓬壺呂尚四攻陷城池 國典昭
然罪不容貸其餘未動諸巢與脅從之徒情尚可矜
似難槩行搜勦御史段顧言謂一散則為百姓原非
怙終意誠有見於此合無移咨胡宗憲張臬陸穩游
震得各將前項作孽賊巢會定月日各另進勦務擒
真正首惡以正法典其未動諸巢并脅從之徒出給
告示令其安心樂業果能自相攻殺擒斬來降亦聽

一體奏請厚加獎賞

一計征調臣等議得三省閩廣南贛雖稱各另搗巢
中間兵力多寡強弱參差不齊謂之會勦者正欲裒
多益寡轉弱為強且恐被賊一見大兵奔突鄰境其
隣境果能同心戮力因而遏巢使其進無所趨退無
所據方協天討之義合無備行胡宗憲張臬會同
胡松潯震得陸穩段顧言各將本處兵馬逐一料理
要見今攻某巢計用兵力若干見有若干不足若干
應於何鎮調取浙江江西之兵應該就近應援何處
不至老師費財一面徑行一面具由奏知其汀州邵

武建寧三府正是賊入江西要路仍聽游震得行漳
南武平建寧等道兵備等官如有遇賊流到彼處極
力堵截仍行馳報江西湖東守巡官合兵夾勦如弄
玩寇殃隣聽段顧言指名叅究

一定協計臣等議得搗巢之議詳於御史段顧言且
屢有建白計料賊情如指諸掌本官仰奉

明旨協計用兵正在運籌之際即今巡按事務一年已滿
御史陳志近去接管無容別議合無仍留本官在彼
駐劄專一紀功一切軍機悉與胡宗憲張臬等計議
而行江西善後事宜與胡松計議以次會奏中間如

有推奸避事養寇殃民者聽從實糾舉賊平之日遵
照欽依與督撫官一體陞賞

一嚴禁戢臣等議得各省所調之兵經過地方輒肆
騷動即如近日狼兵為害不淺蓋緣調發之時既無
的數可以稽查往回之際又無專官為之統攝或肆
行搶掠未受平賊之利先罹調兵之害言之可痛合
無移咨軍門如遇調取浙江閩廣等兵務將選定名
數先期移文經過地方官司知會以便應付仍選委
風力守巡官一員督押各兵到彼悉聽各該軍門從
宜分布撤回之日照前管押進邇出境敢有仍前生

事擾人者聽督押守巡官照依軍法從重處治其經過所司合用供應亦要預先處備及時給散以慰遠征之苦不許稽留致起爭擾

一處錢糧臣等議得用兵之要全在足食卽該提督南贛都御史陸穩等題稱每省用兵各約費錢糧十萬欲將所轄南雄商稅潮州鹽稅各借支二萬及查得兩廣南贛軍餉近年俱議解京以致彼中束手別無所措及至官兵調到張口待哺似非空言所能鼓動臣等所謂不難于兵力而難于財力者正謂此也但事在戶部臣等不知其詳與其遠請帑銀不若近

留軍餉一則可以振勵人心一則可以脩明兵政合
無咨行該部速議具奏

遵諭申飭京城巡捕事宜疏

題為欽奉

聖諭事職方清吏司案呈奉本部送准本部左侍郎葛縉
咨該內閣傳奉

聖諭朕聞京城之內近多凶盜縉當加意督衛于

京都四圍夜尤警巡希孝官校可着夜分派數十名于橋
西地守巡示二臣知欽此除本職欽遵加意督衛外合
咨本部煩為查照施行等因到部送司案呈到部臣

等看得京城內外自雪澤降後督捕頗嚴止是近日
兔兒山馬房失盜查係三河縣地方去京一百餘里
屢經本部會同錦衣衛掌衛事都督朱希孝督率各
該兵守等官陸續拏獲強盜王英并蕭大義各另題
知見送法司收問臣等竊計輦轂之下九州四海之
人悉萃於此中間詐偽奸盜之徒委當慎防以絕禍
萌所據一應防守事宜相應通行議擬合候

命下備行提督巡捕都督馬陽輝督率叅將把總等官嚴
加巡緝務期民安盜息仰副我

皇上軫念至意臣等無任悚息之至嘉靖四十一年二月

初十日題奉

聖旨依議行欽此

一巡捕馬匹原額五千六百四十一匹見在止有三千七百七十六匹較之原額尚少三分之一除居常巡警外防秋之日用塘馬傳報隆冬之月用馬軍按伏差用繁劇不敷分布合無聽本部劄付太僕寺於各州縣寄養馬內調取一千五百匹兌與無馬官軍騎操嚴行提督馬陽輝責令各軍用心喂養不許尅減顧覓自取罪究

一巡捕官軍原額一萬員名見在止有七千一百餘

名雖經本部劄委職方司郎中周鑑專管勾補一時不能卒完查得先年事例多於營內取撥合無聽本部備行戎政大臣顧寰江東先將在營精壯官軍量撥二千員名交付提督馬陽輝管領相兼舊軍一體巡緝不敷之數候有清到軍士陸續再發

一巡捕官軍先年提督巡捕都督桂勇具奏該本部覆題一應捕盜人員果係兇惡強賊聚至百人以上一日之內臨陣對敵擒斬三名顆為首者照依弘治年間事例陞一級不賞為從者每名顆賞銀五兩其有對敵臨時被賊殺死者子孫亦陞一級若係拏獲

積年劇賊一名者賞銀十兩陸續緝捕強賊并妖言
賊人者每名賞銀五兩三人同獲一名均分每年終
提督官將部下功次通行具奏本部行查原問招由
明白不分擒斬緝捕安官每名賞銀二兩把總官每
名賞銀一兩提督官每十名顆賞銀十兩一百名顆
賞銀三十兩二百名顆臨時奏請並加陞用前項銀
兩先將見獲賊銀儘數充賞不敷之數行太僕寺於
收貯缺官皂隸銀內查給未

聖旨是獲功的准照例給賞欽此即今數年未曾舉行人
心似無激勸合無聽本部劄行太僕寺將收貯缺官

銀每年動支五百兩發武庫司寄庫以後官軍果能擒獲兇惡強賊并拒捕斬獲積年劇賊及妖言等項賊徒先儘所獲贓銀充賞如或不足就以前項官銀給賞開造文冊查考不敷再支多餘留湊下年支用每年終仍將類報盜賊起數行查招由明白通行題請照例給賞若巡邏不嚴勦捕無功致賊滋蔓貽害地方并妄報功次者悉聽本部與該科指實叅治一京城內外多有無籍之徒私自潛住仰伏

聖明在上雖無別慮先年有例禁載不為無意即今盜賊未息似當一體查處合無聽本部備行廠衛衙門巡

城御史及提督巡捕官五城兵馬司各照地方將罷
開官吏并一切豪俠可疑之人盡數逐回原籍不許
一人潛住兵牌隣里如敢縱容不舉查出通行問發
以不許因而騙詐平民自取罪究

開陳防勦南北寇虜要務疏

題為計處邊務以防兵寇事職方清吏司案呈照得近
日風沙地震相繼迭見大率兵寇之象在東南則廣
東福建江西等處狂寇竊發正值春汛之後在西北
則薊遼雲朔諸邊驕胡窺伺又當春暖之時呈乞通
行申飭案呈到部臣等切惟天道上濬而風沙為異

地道下疑而震動失常以陰干陽委屬兵寇為患之
象仰蒙

皇上至誠玄德獨契天心上天垂示何啻面命雖
神武自昭不殺之威而修禳當為先事之備臣等待罪本
兵至愚極陋茲蒙

天語叮嚀令其計處敢不悉心議擬仰承萬一所據東南
狂寇西北驕虜一切防勦事宜除已經題奉

俞旨者不敢再瀆外謹掇其大且要者開坐上請伏望
俯賜采覽勅下遵行上荅天庥下修人事地方幸甚嘉
靖四十一年二月十二日題奉

聖旨這防勦事宜都依議行欽此

一東南狂寇第一則饒平張璉其次則程鄉林朝曦
大埔蕭雪峰上杭李占春蓬寧呂尚四蓋張璉者本
以編民曾充斗庫乃敢占據山寨多築城堡近交廣
東陰為招撫之計遠攻江右肆其谿壑之欲蠅出虬
沒奸狡至極臣等連日以來 朝堂內訪其熟知彼
中賊情者與之商確頗得其詳各該村落原與賊巢
相去不遠愚民畏死不過苟免從逆至於忠順

朝廷之心人人有之見今提督兩廣侍郎張臬徵調狼
兵十萬刻期搜勦大軍所至勢如破竹目前所最急

者槩有四事其一重兵先當壓境聲罪致討一面出
給簡易榜文曉諭脅從之人聽其首官給與免死票
帖隨宜安插其二則傳諭賊巢以內之人許其立功
自贖能將賊首擒斬來獻者重加賞賚仍許奏請厚
與一官其三則明開賊首原係窮寇決在不赦使其
黨與各知罪人所在自相携二其四脅從既散賊首
如果尚未就戮然後乘其勢孤督率官兵一鼓擒之
在我兵則事出萬全收張弛有道之功在我民則仁
活萬命免玉石俱焚之慘不特張璉巢其餘有
四巢事體大略相同合無聽臣等

尚書胡宗憲

待選舉江伯陳王謨都御史游震得陸穩胡松
計議施行未盡事宜相機區處不相遙制本部仍照
江西事例印押空名劄付三百張賚送張臬收貯遇
有義勇人役堪充千把總頭目者酌量填給令其冠
帶以示激勸事完造冊奏繳至於議留廣東南贛軍
餉鹽課一節係于用兵機要仍乞

聖明俯從臣等原議勅下戶部及早覆請定奪

一西北驕虜在宣大薊鎮則為俺荅辛愛把都兒土
蠻在遼東則為虎哈喇赤在陝西則為吉能至於老
撒脫禿小一千兀慎擺腰王文打賴等部猶為小種

比年以來不止秋高入犯一入春月輒行侵軼陝西
為遠宣大遼東稍遠惟薊州一鎮切近畿甸尤為喫
緊而古北燕石二區逼鄰虜巢倏忽即至近該戶部
議得有警方許調兵審時度勢自是緩不及事合無
聽臣等移咨總督侍郎楊選目下先將遼東一枝大
同二枝分枝徵調宣府定州保河各兵再酌緩急以
次徵調其良涿一營并鞏華各區遊兵候警另調京
營之兵遵照 明旨必須實有警急方許題請量發
腹心之地比之四肢不同寧可為先事之圖不宜於
後時之悔宣府大同遼東山西四鎮總督李文進

撫陳其學趙孔昭楊宗氣吉澄公同總兵官姜應熊
馬芳等方在整飭無容別議至於陝西延寧固原三
鎮自去歲地震之變邊牆倒塌以致虜賊常住邊內
極其騷擾趁今春暖正當脩築之時而新推總督都
御史喻時頃因淮揚賊情奉 旨面話雖有舊任總
督程軌在彼人心解體難以展布仰乞

聖明勅下喻時一面星馳前去陝西即與程軌交代任事
一面作速回話恭候

宸斷關外之寄關涉為重早到地方一日則有一日之益
臣等不勝大願

覆兩廣提督侍郎張臬等請勦逆賊張璉等疏
題為乞請急調大兵勦滅屢招屢叛巨賊以救十分孤
危城池以靖地方大患事職方清吏司案呈奉本部
送兵科抄出提督兩廣軍務兼理巡撫兵部右侍郎
兼都察院右僉都御史張臬鎮守兩廣地方總兵官
征蠻將軍平江伯陳王謨題俱奉

聖旨這地方寇患兵部便看了來說欽此抄出送司查得
前事先該本部併將巡按廣東監察御史蔡結所題
三省督撫官移鎮信地一本通行議覆未奉

明旨今該前因查呈到部看得兩廣提督總兵等官侍郎

張臬等所題廣東饒平縣賊首張璉一事臣等先於
本月二十三日據各官開送揭帖到部查係緊急賊
情惟恐延緩隨該臣等議得賊首張璉本以編民曾
克斗級乃敢廣糾黨與大肆克殘陽為聽撫緩我征
勦之師陰蓄逆謀徐為拒守之備即其根據雖近在
饒平一縣之間究其蔓延寔遠出閩江二省之外臣
等奮心切齒誓不與此賊共戴天日以故將兵糧戰
守事宜節次具題悉蒙

聖明俯賜俞允見今提督侍郎張臬總兵官平江伯陳王
謨調集狼兵十萬刻期舉事在張臬等則欲兵分六

哨在御史蔡結則欲移鎮信地無非用兵機要相應
通行依擬合候

命下本部馬上差人齎文交與張臬并福建都御史游震
得南贛都御史陸穗各照所定適中地方張臬於潮
州游震得於漳州陸穗於永定隨宜駐劄併力進剿
一面移咨江西巡撫都御史胡松知會屯守要害以
防流突之寇其餘增兵應援把截一切機宜事在閩
外悉聽各官相機施行本部不相遙制等因具本題
請恭候 明旨伏望

皇上俯賜裁定勅下通行臣等無任惶悚俟

命之至嘉靖四十一年二月二十四日題奉

聖旨是著張臬等協力進勦務在刻期平定地方不許延玩欽此

授貴州巡按御史巫繼咸等勘明苗功陞賞疏

題為仰仗

天威蕩平苗患查明功罪以勵人心以重邊防事職方清吏司案呈奉本部送兵科抄出巡按貴州監察御史巫繼咸題前事又該總督湖廣川貴軍務都察院右副都御史今調外任用董威題為仰仗

天威擒獲元惡勦平逆苗邊患悉除地方安寧事與同巡

撫貴州等處地方兼理軍務都察院右僉都御史趙
錢題俱奉

聖旨該部知道欽此欽遵通抄送司卷查先該總督湖廣
川貴軍務兵部右侍郎兼都察院右僉都御史黃光
昇題為請乞亟張軍威以禦苗患以安生靈事內稱
擒獲惡苗張問及未獲韓甸緣由節該本部題奉
欽依將總兵官石邦憲准其以功贖罪嚴令督兵搜勦果

能擒獲韓甸勦平諸苗另行議功陣亡守備葉勲百
尸魏國相伊男各襲陞二級俱經通行欽遵外今該
前因查呈到部看得巡按貴州監察御史巫繼成題

稱撻州容山司叛惡土舍韓甸竊據一方流毒三省
各該官軍力戰焚巢生擒韓甸等三十八名斬獲賊
級一百四十八名顆韓甸妻小九名并將助惡景洞
白土等寨俘馘數多地方平寧及稱鎮守貴州總兵
官石邦憲所當准贖仍加爵廕副使張廷栢李心學
叅議徐敦僉事胡直所當陞賞內張廷栢徐敦勞動
尤多布政使楊守約叅議程時思副使况叔祺所當
擢用叅將汪輔署叅將徐效節守備安大朝知府符
仕原任守備宋奎推官劉蘭所當重賞冠帶舍人石
山所當陞級土同知蒙繼武所當併論完銷伊男蒙

天眷所當給與冠帶土舍吳允熙所當敘錄土舍楊
通一所當准贖仍量加責治指揮李九霄等八員名
通當陞級原任守備史淮立功鎮撫楊表軍人鉄冠
所當併贖原任守備韓文等十一員所當量賞陣亡
千戶郭繼武所當錄廢知府袁成能功浮於罪亦當
量賞知縣趙本情有可原所當改調原任都指揮張
時舉指揮張世勛百戶譚時所當提問總督湖廣川
貴侍郎今陞南京戶部尚書黃光昇所當准贖或量
行切責總督都御史董威功當首論原任巡撫貴州
都御史今陞南京大理寺卿鮑道明新任巡撫貴州

都御史趙鉞功當併論原任叅將今聽勘郭元所當
免罪仍令回衛又該總督董威巡撫趙威各具題大
略相同乞要將布政使李遷張希舉楊應奇叅議陳
紹儒僉事金世龍重賞通判韓紹奕知州李廷詔指
譚楊仲揚顯量賞還按貴州御史王繼成巡撫湖廣
都御史張雨巡按湖廣御史姜儼巡撫四川今陞湖
廣川貴總督都御史羅崇奎巡按四川御史陳瓚叙
錄督撫總兵常該羅榮等役滿收選各一節為照逆
舍韓旬始而篡立奪印已屬狂悖繼而糾聚生苗大
肆兇殘禍積廿年之久重貽三省之災節該本部題

奉

欽依責成督撫軍門協力搜勦刻期蕩平仰賴

皇上文武聖神玄威遠布以故將士用命渠魁授首積歲之兇孽盡為掃除諸洞之頑苗悉見底定所據一時效勞人員除巡按御史巫繼咸等例不論功布政使楊守約張希舉近該吏部考察革任楊應奇病故無容別議外如總督都御史董威巡撫都御史鮑道明趙鉞張雨新任總督都御史羅崇奎兵糧計處調度允中乎機宜總兵都督同知石邦憲銓錫躬親威信大行於荒徼即其執訊獲醜之苛均有攘外安內之

績既該巡按貴州監察御史王繼成總督都御史董
威等具題前來內董威見在聽調御史謂其功當首
錄黃光昇先已陞任御史謂其罪當准贖并奏內應
錄應敘人員相應通行議擬合候

命下將董威量復原職回籍候用黃光昇免其究治石邦
憲特加陞級仍與鮑道明趙鉞重加賞賚張兩羅崇
奎李心學胡直程時思况叔祺同加賞賚張廷栢徐
敦石山李九霄等八員名各加陞級李遷陳紹儒金
世龍汪輔徐效節安大朝符仕宋奎李廷詔楊仲楊
顯劉蘭量加賞賚蒙天眷量給冠帶仍與蒙繼武吳

允熙韓文等十一員并袁成能俱聽軍門分別犒賞
史淮楊表鉄冠楊通一准其贖罪仍聽軍門量加戒
治陣亡千戶郭繼武照例兒男襲陞二級張時舉張
世勳聽巡按御史提問具奏郭元回衛閑住趙本移
咨吏部酌量調用羅榮等通候役滿起送收選韓甸
潘繼舜等撫按官再審無異會官處決仍與已故潘
仲林等分送各寨一併梟示莫氏韓四兒徑自定發
安置嘉靖四十一年三月初四日題奉

聖旨是苗忠蕩平各官效勞董威准復原職候用黃元昇
多寃石邦憲陞右都督同鮑道明趙錢各賞銀二十兩

紵絲二表裡張兩羅崇奎各十五兩一表裡李心學等
各十兩一表裡張廷栢等各降俸一級李遷等各賞銀
十兩其餘都依擬行韓甸等依律會決莫氏等定發安
置欽此

覆浙直總督尚書胡宗憲經略江西善後事宜疏
題為經略江西善後事宜以圖安撫事職方清吏司案
呈奉本部送兵科抄出總督浙直福建江西等處軍
務兼巡撫浙江地方少保兼太子太保兵部尚書兼
都察院右都御史胡宗憲題奉

聖旨該部看了來說欽此欽遵抄出送司案呈到部看得

江西全省近雖暫寧方來之患亦當預處所據總督
軍務尚書胡宗憲條陳四事無非地方善後之計令
就開立前件議擬上請定奉嘉靖四十一年三月十
四日題奉

聖旨准議欽此

一曰議將看得總督尚書胡宗憲所題大率欲要南
贛改設副總兵以吉安守備屬之建撫改設叅將以
鉛山守備屬之會城添設遊擊如故鄱陽守備亦改
叅將名色專練舟師控制九江一路仍要將原任遊
擊王應岐原任副總兵湯克實等罪用之無非論

責成之意。查得王應岐湯克寬雄名勇略。委難終棄。但王應岐見問充軍。湯克寬見問死罪。移咨法司另行酌議。外至於增設將官。委千興華輿論必須僉同。事體方可經久。合無移咨胡宗憲。仍會巡撫都御史胡松提督都御史陸穩紀功。御史段顧言巡按御史陳志逐一詳議。停妥文書到日。限半月以裏作速回奏。

二曰議兵者。得總督尚書胡宗憲所題大率謂江西主客之兵。主兵除一萬三千外。尚少四千。聽巡撫衙門選募客兵。力不能支。聽其再發標兵赴彼應援緣

前項將官既屬會議則主兵之事仍當備行前去一併議處庶幾兵將相資不致矛盾至於調遣客兵事在閩外悉聽胡宗憲如擬施行未盡事宜徑自酌處不相遙制

三曰議賞格看得總督尚書胡宗憲所題先該巡撫江西都御史胡松具題已經本部議得合行移咨江西南贛各軍門以後平定流賊一人就陣為首擒斬有名劇賊一名顆者陞實授一級不願陞者賞銀三十兩以次劇賊一名顆者陞署一級不願陞者賞銀十五兩二名顆者陞實授一級不願陞者賞銀三十

兩從賊一名顆者賞銀十兩二名顆者陞署一級不願陞者賞銀二十兩三名顆者陞實授一級不願陞者賞銀三十兩擒斬六名至九名顆者止陞實授一級署一級之外扣算賞銀如二人三人四人五人就陣共擒斬有名劇賊及以次劇賊一名至二名三名顆者查照前例給賞均分如就陣與賊對敵陣亡者不分官軍俱陞實授一級以上俱准世襲其不係臨陣一人有能捕獲以次劇賊一名顆者亦陞署一級不願陞者賞銀十二兩二名顆者陞實授一級不願陞

者賞銀二十四兩從賊一名顆者賞銀八兩二名顆者陞署一級三名顆者陞實授一級不願陞者照數扣筭迺加給賞其頒兵把總等官部下擒斬有名劇賊三名顆以上者陞實授一級從賊五十名顆以上者陞署一級三百名顆以上者陞實授一級不及數者量賞以上俱不准世襲奉有

欽依通行去後今查所奏大略相同合無申飭江西南贛兩廣軍門備刊榜文懸示衆知果有功級查照陞賞四曰議報效看得總督尚書胡宗憲所題切緣江西地方雖稱承平日久民不知兵然世家義士目擊榮

梓之患感激報効理必有之至於盜賊黨與悔罪求生尤當推廣其路令其自新合無移咨江西南贛各軍門以後遇有本省世家大族集練家丁自備糧餉情願殺賊報効者不拘生員舉監武生義士悉聽收置軍門從宜委用有功之日照例陞賞若止倡率一萬保護鄉井獲有首級者一體陞賞雖無首級先聲震壓致賊遠遁者督撫衙門分別犒賞為首之人仍給冠帶其不能自備糧餉假此名色希圖冒濫因而武斷鄉曲生事害人者嚴加革治各省軍門仍大張榜諭各起賊黨如有此起能擒殺彼起或三起四起

以至十餘起併衆投降及倡亂首惡除饒平張璉外其餘果能悔罪自新領衆來降者撫按官審實無異准贖原罪仍量加獎勵

再議遼東防禦事宜疏

題為大虜入犯官軍拒敵出境事職方清吏司案呈奉本部送該本部題准巡撫遼東地方兼贊理軍務都察院右僉都御史吉澄揭帖看得巡撫遼東都御史吉澄揭報虜情大率欲催促新任總兵官吳璘到任管事又欲總督軍門多發勁兵援應看得吳璘近日過山海關漸入廣寧巡按御史王得春因候交代住

劄前屯故奏報在先巡撫都御史吉澄開府廣寧為
虜所隔不知吳玠已到以故至今方有此奏大率原
是一事但虜雖退避尚在近境住牧防範機宜時不
可緩除遵照先奉

欽依仍行總督侍郎楊巡撫經發去遊擊何珪遊兵一枝
日下應否再發兵馬徑自相機施行務要計處得宜
不得坐視彼患及顧彼失此外奉

聖旨這地方吉澄奏稱危急已甚所當亟處吳玠果能勝
任否併防禦事宜你每還悉心計議來說欽此又奉本
部送兵科抄出巡撫遼東都御史吉澄題為大虜用

計蚕食攻克然堡地方危迫懇乞

天恩速發勁兵拯救生靈事奉

聖旨兵部看了來說欽此通抄送司案呈到部看得遼東

地方先年豐稔號為樂土以故馬健兵精在九邊中

稱為第一通因旱魃相仍債帥相繼顆粒未收甚至

父子相食科科米已甚至室廬盡蕩大虜猖獗每覘

我之虛實厲矢狂悖及為虜之嚮導近日土蠻屯住

老河欲窺薊鎮有備移營遼東前屯一帶

攻毀城堡殺傷人畜即今土蠻雖稱退避而朵顏三

衛并小一千餘落假借聲勢時遣零騎入境侵擾又

不止爲虜鄉道而已臣等連日屢與總督侍郎楊選
往來咨議楊選亦將應議事宜揭報前來有一時防
零寇之計暫調精兵是已有經時防大虜之計增兵
設險是已大率二事相爲表裏不勦零騎則雖欲增
兵設險必爲所擾若果零寇不擾預防大虜之計自
當漸有頭緒臣等遵奉

聖旨逐一參酌停當謹用開坐上請伏乞

皇上俯賜采覽

勅下遵行地方幸甚嘉靖四十一年四月十一日題奉
聖旨這所議准行目今遼鎮告急還着會推才望大臣一

員前去督視整理欽此

一見任總兵官吳瑛老成驍健一時號爲宿將都督李賢總兵馬芳等共讓其賢近因該鎮總兵員缺臣等已將吳瑛會官推補即今初到地方正在整飭據舊資則入望頗愜論新功則爲日未久且臨敵易將兵家所忌似應令其用心供職果能安邊却虜立有奇功容臣等奏請加秩陞俸久任責成如或怠職誤事聽彼處巡按御史廉實叅究

一前屯一帶見有零星寇阻絕經行小敵之辱大敵之怯急當勦捕無疑合無照依總督侍郎楊選所議除

先發遊擊何珪遊兵一枝外再將軍門標下遊兵胡鎮一枝作速督發出關分往前屯寧遠等處遇有零寇多方搜勦有功之日比之地方主兵加等陞賞稍候寧謐方許掣回

一前屯一帶係咽喉之地咽喉不通關涉不淺雖經督發客兵前去策應仍須銷巡大臣親詣調度方爲得策合無備行總兵官吳璠巡撫吉澄暫住前屯寧遠等處遇有零寇則相機勦捕兇殘果無零寇則及時整飭邊備自今四月至五月六月正當可爲之時一切軍務應徑行者徑自舉行應奏請者作速開奏

卧薪嘗膽不宜湏臾怠緩各目到彼日期先行回奏
一遼東步兵四千名每歲調挫薊鎮以致本處極其
空虚合無照依總督侍郎楊選所議今秋暫免入衛
聽鎮巡官吳瑛吉澄從宜分住前屯廣寧一帶相兼
客兵勤捕零寇仍聽鎮巡官便益施行

一遼東入衛馬兵既不敢輕撤似當另募馬兵一枝
專爲前屯一帶之備合無照依總督侍郎楊選所議
聽彼處鎮巡官於前屯一帶招募精壯遊兵三千名
即便從實具議要見募軍該用銀若干買馬該用銀
若干糧草應於何項內撥補何官驍勇堪充遊擊統

領文書到日限半月以裏作速會奏

一遼東前屯一帶脩邊脩臺二事先該巡撫都御史
侯汝諒吉澄勘報已該本部覆奉

欽依共該發銀一十萬七千二百四十五兩五錢本部銀
二萬六千八百一十一兩三錢七分五釐已經差官
解到該鎮取有咨文在卷戶部該銀八萬四百三十
四兩一錢二分五釐未見發去合無聽本部移文該
部刻期處發以濟燃眉之急仍行吉澄吳瑛候山海
關至廣寧一路牆臺完備之日方許以次接脩各路
一火器火藥 中國長技去秋薊鎮有警仰蒙

皇上特勅該部多發前去以故軍威不震虜勢頓挫遼東
事體大略相同合無聽本部移咨工部將庫貯各樣
火器并火藥即便差官運送該鎮轉發各該營堡應
用仍咨吉澄照依薊鎮事例通將先今發去火器火
藥盡行查出備造循環文簿二本每季終差人齎送
工部倒換以便稽考

一海西并朵顏三衛屬夷先年撫賞得宜常爲我用
近來每遇開市少不遂意或群聚叫囂或盤據道路
乘機勾引深爲可憂但撫賞之費帑銀既難請發該
鎮又無措處近日巡撫吉澄條陳欲要議覆八里鋪

商稅亦是一策合無移咨
部速為議覆

覆西關巡視御史郝杰條陳邊務疏

題為陳末議以正憲綱以裨邊務事職方清吏司案呈
奉本部送刑科抄出巡按直隸監察御史郝杰題奉
聖旨該部知道欽此欽遵抄出送司案呈到部看得巡按
直隸監察御史郝杰條陳四事合就開立前件議擬
上請定奪嘉靖四十一年四月二十五日題奉

聖旨是欽此

一申法禁以責將令看得各邊總督諸將有罪輒曲
為彌縫諸將無功乃妄為捏報其弊則誠有之臣博

往在宣大已嘗極言其詳奉有

明旨至於武臣問發充軍立功却又展轉賞緣揆之法典
委屬有違合無備行各邊督撫官各照原議職守專
一稽查錢糧督催戰陣遇有軍功巡按御史備查明
白俱止議賞不得陞陞職級即年充軍將官巡按御
史盡數查出通行發遣取具配所回文申達本部以
憑查考所在官司容隱不解即以枉法論罪立功人
員臨陣斬獲仍聽御史查覈的實方准議贖如敢仍
前買功冒賞從重究治

一清武職以革冒濫看得各邊武官身未經戰陣

買功冒陞甚至市井無賴之徒亦得紆金衣紫不惟名器有玷誠為激勸無方本官所論無非慎重爵賞之意但欲要專差該科給事中或風力御史數員詣邊清查似難輕議合無移咨都察院轉行各該巡按御史嚴行各該都司等官通將各衛所見在官員上自都指揮下至總小旗除祖職應該承襲外但係近年新功不拘已未襲替通行查覈孰為真正孰為冒濫徑自造冊具奏本部仍照見行條例分別應革應襲覆請定奪各該衛所有知而不舉及朦朧回報者聽巡按御史指名叅究仍以冒保事例坐罪治之

一實行伍以壯兵威者得各邊軍士日見卑弱每遇調遣輒稱不敷本官所謂投充選補虛糜等項委為切中弊源至於將領剝削為害尤甚但又欲差給事中數員亦難輕議合無止行總督軍門嚴行各該鎮巡等官各將所管軍士通行查理逃亡者嚴加勾補影射者盡令還役總兵叅遊等官跟隨人役俱照條例定數不許例外投充督撫標下軍士止將餘丁召補不許營中挑選召募各枝遊兵俱要籍貫明白不許槩收無籍各該將領以後務要加意撫恤刻自愛惜如敢仍前侵削聽巡撫指名叅從重究治仍記

其罪狀永不敘用

一嚴盤詰以重關隘看得居庸紫荆倒馬三關均屬要害近日關吏疎漏以致往來之人或負擔遊食通無批引或驛遞官司徑給執照防奸禦暴委當嚴加禁革合無備咨督撫衙門嚴行各關叅守等官每遇出入人役務要嚴加盤詰所執文引驗果撫按三司及府州縣正官給付者方准放行其餘經歷巡司驛遞衙門所給批照通行阻回把守人役敢有受財賈放者從重究治以後腹裏地方捉獲奸細審果某口進入經該官員一體連坐

覆都給事中張堯學等責成總督尚書胡宗憲亟平
福建山海寇患疏

題為福建山海寇患日甚乞

賜議處以安東南事職方清吏司案呈奉本部送兵科抄
出兵科都給事中張益等題奉

聖旨兵部知道欽此欽遵抄出送司卷查先該南京科道
等官給事中馬出圖等題該本部議得總督尚書胡
宗憲福建地方原屬節制即今江浙漸寧自當專理
其事已經覆奉

欽依備行胡宗憲將該省兵糧事宜會議停當徑自奏請

通行欽遵外今該前因案呈到部看得兵科都給事中張益等題稱福建地方寇患日甚官軍玩愒乞特勅總督胡宗憲悉心經略一節為照福建地方外則山海之寇日見熾昌內則玩愒之卒時干法紀事勢艱虞誠如該科所論總督胡宗憲威名素著福建原係節制責自難諉節該本部題奉

欽依專一責成正與該科所見相同但胡宗憲近日奏內略陳患病之狀似有因而求去之意節鉞大臣受

國厚恩不宜如此相應通行申飭合候

命下備行胡宗憲會同巡撫都御史游震得查照本部先

欽定四庫全書
卷八
三十四
今題准事理將福建一應事宜悉心經理糧餉不敷
作何處置兵力不振作何練募官軍玩愒作何懲創
山海寇盜作何勦除悉聽會議停當應奏請者作速
奏請應施行者徑自施行即目浙直如果無事即便
親詣福建刻期蕩平不得藉口隔遠坐視民患嘉靖
四十一年四月二十七日題奉

聖旨准議行欽此

覆宣大總督尚書江東條陳禦虜方略疏

題為遵明命議軍務攘虜患以安內地事職方清吏
司案呈奉本部送兵科抄出總督宣大山西等處地

方軍務兼理糧餉太子少保兵部尚書兼都察院左副都御史江東題奉

聖旨該部知道欽此欽遵抄出送司卷查先該總督宣天山西軍務都御史李文進等題條陳大同議處兵馬等四事又該本官題條陳脩築宣府獨石等處城堡墩臺等六事俱經本部議覆節奉

欽依備行各該督撫等官欽遵外今該前因案呈到部看得總督宣天山西軍務尚書江東具題前因大率謂宣天山西三鎮虜患頻仍城堡攻毀始而條陳十事以為存保邊堡之計繼而欲勅各該鎮巡并集

廷臣會議以盡戰守安攘之策各一節為照宣大山西
三鎮年來驕虜不時窺伺兼以內地奸逆交相勾引
以致沿邊牆墩堡寨半為攻毀烽燧因而不明保障
無從攸賴即今盛夏相去秋期尚有三月及時整飭
殊不容緩所據保全邊堡一事委為目今首務既該
總督尚書江東具題十事前來通行依擬至於欲要
內外諸臣會議具奏固是廣集衆思之意但江東久
歷邊方素諳戎務

皇上親灑宸翰副以閫外重任正欲其裁定石畫以為
強固之計若使諸臣遙度億說耳聞不如目見之詳

且恐言人人殊益難折衷合候

命下移咨江東督同宣大山西各該鎮巡等官一面將本部先經題准總督李文進等條陳事理作速舉行一面將各鎮未盡事宜博採輿論參以已見每事各具一疏計處詳悉作速具奏以憑覆請定奪嘉靖四十四年五月初一日題奉

聖旨是欽此

議遣都督劉顯等總兵征勦廣福等處逆賊疏

題為仰仗

天威急勦叛逆以靖地方事職方清吏司

案呈照得廣東饒平等處逆賊張璉等節經本部將

一應兵食戰守事宜題奉

欽依馬上差官賡文前去督催行事先據提督兩廣侍郎
張臬奏稱本年三月十六日進兵近據提督南贛都
御史陸穩奏稱比因狼兵徵調不齊改於四月十八
日進兵前後不一不知此時竟作何狀且福建之賊
山海二種蔓延未已呈乞通行查處案呈到部看得
廣東福建二省雖云均有賊寇而廣東張璉則狂悖
僭逆尤為不道之極臣等待罪本兵奮心切齒誓不
與此賊共戴天日以故將兵糧戰守事宜節次具題
懇蒙 俯賜俞允已經馬上差人不時賡文催督續

據彼中回奏亦稱見調狼兵一十餘萬定於三月十六日進兵因狼兵未齊又改四月十八日進兵曠日持久未見捷報至勞

皇上軫念南服時勤宵旰臣等職在運籌不勝慙悚大抵廣東之境方在進兵固不可逆料其無功過為先時之慮亦不宜坐視其誤事以貽後時之憂提督兩廣侍郎張臬總兵官平江伯陳王謨提督南贛都御史陸穩封疆事重雖各不敢不勉以臣等愚見當此勦勦之時必須群力群策兼收並蓄方保萬全臣等切見見任南京坐府署都督僉事劉顯往來江海甚有

威名一時勇將莫之或先見任南贛叅將俞大猷曾
官兩廣雅負壯猷一時智將無出其右若將二臣用
之廣東謀斷相資弛張相濟必有可觀伏望

皇上俯採臣等末議將劉顯以原任署都督僉事充總兵
官帶領見在部下之兵俞大猷以原職署都指揮僉
事充副總兵量帶南贛叅兵前赴廣東會同張臬陳
王謨陸穩兼同調到狼兵速將張璉等巢穴刻期掃
平合用 勅書旌牌等項照例請給如果二臣未到
地方賊已先平即便徑赴福建會同巡撫都御史游
震得就將福建山海之賊設法勦滅果能立有奇功

容臣等具奏不次陞擢如敢因循怠肆與鎮巡官一體究治臣等又惟二臣此行實補鎮巡官之所不及原為相濟而非相病也若使鎮巡等官自懷意見而可乙否未免反致齟齬為害不輕合無將紀功御史段顧言添請

勅一道令其親詣廣番兼紀廣東功罪鎮巡官與二臣彼此和衷則已萬一二臣或欲兵船而鎮巡阻撓其兵或欲糧餉而鎮巡阻撓其食或欲嚮導而鎮巡阻撓其機悉聽段顧言從實參究定行拏問臣等所見如此千慮之一罔知攸裁無任惶悚俟

命之至嘉靖四十一年五月初三日題奉

聖旨都依議行劉顯等著上緊前去進勦不許怠悞欽此

覆山西巡鹽御史王諍禁治礦徒疏

題為驅勦礦賊以保全地方事職方清吏司案呈奉本部送兵科抄出

按山西監察御史王諍題奉

聖旨該部知道欽此

山西監察御史王諍題稱河南汴池等處礦徒橫行越河至山西夏縣等處劫掠各該地方等官無人防禦乞要速行河

山西撫按督令守巡協力驅勦失事人員具實糾劾各一節為照山西夏縣地方偶露

廣沙愚民趨利遂成禍本在山西居人則糾合河南
礦徒以助達聲在河南礦徒則交結山西居人以爲
嚮導遂致兩河之間騷然靡寧甚至殺人劫貨肆無
忌憚大抵目前之計第一該封閉礦穴第二該禁止
私渡至於河南官司不行約束之罪尤當查究相應
通行議擬合候

奉 命 下 本部備行山西撫按官先將礦穴多方填塞不許一
人私自開取沿河居人不許擅造船隻私渡礦徒再
有礦徒越過河北坐委叅議張學顏督兵勦捕頗聞
學顏履任以來大有風力近日削平沁水之寇其功

甚偉若使悉心經理必有成效一面行移河南巡撫
官設法禁治礦徒毋令過河其守巡府州縣等官如
敢仍前怠惰慢事即便指名叅究事寧之日聽山西
河南巡按御史并巡鹽御史王諍庶其功罪從實具
奏嘉靖四十一年五月初三日題奉

聖旨是欽此

覆給事中李邦義責成督撫等官亟勦逆賊疏
題為東南劇賊未見平寧懇乞

聖明申飭督撫諸臣毋分彼此毋落套套悉心勦滅以靖
地方事職方清吏司案呈奉本部選兵科抄出

給事中李邦義題奉

聖旨兵部知道欽此欽遵抄出送司卷查先該提督兩廣
軍務兵部右侍郎張臬鎮守兩廣總兵官平江伯陳
王謨題內稱會兵巡勦巨賊張璉等緣由該本部覆
奉

欽依備行兩廣侍郎張臬移住惠潮地方福建巡撫游震
得移住漳州南贛巡撫陸穩移住永定就近調度刻
期進勦隨該南贛都御史陸穩題稱會兵於四月十
八日進勦張璉等緣由在卷今該前因查呈到部省
得兵科給事中李邦義題稱廣東賊首張璉等黨各

諸巢禍延廣東福建江西三省恭詳所奏大略有三
其一則恐各官不計心甲可乙否難成掃蕩之功
其二則恐各官不重天時踏危履險反資驕橫之勢
其三則恐各官邀功生事妄殺平民大傷天地之和
其詞甚詳其意甚善蓋邦義乃廣東人也韜鈴之略
既曾留心桑梓之思尤為切齒但前項事情仰蒙
皇上天語叮嚀臣等節節謹覆奉

俞旨申飭之文連編累牘督催之使肩摩踵接初據奏限
進兵在三月十六日近據奏限進兵在四月十八日
事關兵機相應再行議擬合候

命下本部馬上差人齎文交與提督兩廣侍郎張臬巡撫

福建都御史游震得巡撫南嶺都御史陸穩查照本部先今題准事理各駐原定地方同心協力上緊征勦其福建殘寇仍聽總督胡宗憲嚴行地方官員設法防禦不許互相推諉顧此失彼如果賊勢重大一時遽難盡除亦要酌量停當徑自會奏既不許虛文從事顛倒功罪亦不許拘泥不通老師費財本部一面備咨都察院轉行巡按廣東福建江西各監察并紀功御史仍遵照原勅事理隨軍紀驗平寧之日通將有功人員分別具奏以憑覆請定奪嘉靖四十

一年五月初三日題奉

聖旨是欽此

覆成國公朱希忠議處柴炭商人疏

題為柴炭商人事武選清吏司察呈奉本部送兵科抄
出後軍都督府掌府事太傅無太子太師成國公朱
希忠奏奉

聖旨兵部都察院看議來說欽此欽遵抄出到部送司行
准後軍都督府經歷司手本回稱本府所屬在京武
成中等一十八衛在外保定左等六十八衛所每年
舊額出辦供應 內府惜薪司柴二百三十萬斤每

斤價銀四釐炭二百萬斤每斤價銀八釐荆條一萬
斤每斤價銀七釐蘆葦五萬斤每斤價銀五釐本色
楊木長柴三萬斤額辦 內府內官監黃穰苗一萬
一千斤每斤價銀五釐馬連根五百斤每斤價銀一
錢四釐蘆葦六百束每束價銀二錢三分葛稻七百
束每束價銀一錢八分本府每年題准通行各該衛
所徵銀俱限八月以裏解府貯庫本府原額商人二
十四名自備資本陸續置辦柴炭蘆葦荆條運赴惜
薪司上納出給紅票到府查照紅票內上納過柴炭
蘆葦荆條斤兩數目本府照數發銀給商其商人供

辦年久舊規本府密訪選補四十年十二月內據舊商具告消乏本府照得於五城地方原無統轄人戶之殷富與否難以周知欲行審派誠為未便比照戶工二部商人事例三年一次五城御史選編題奉

聖旨這該府商人准三年一次五城御史審編更換都察院知道欽此隨該五城御史審編開送新商二十二名到府內有重複職官累次送回各城更換尚未有序等因到司案呈到部看得後軍都督府掌府事太傅兼太子太師成國公朱希忠奏稱御史顏鯨極論商人受累欲要本府差的當武官二員賚銀收買乞要

從常會處一節為照前項柴炭等項專供

內府惜薪司之用事體重大時不可缺舊例額派在京
在外武成中等八十六衛徵納銀兩以為買辦之具
復於京城地方召選富商以專買辦之後二百年間
不聞別議臣等入官之初親見一商有缺諸人群聚
爭之乃今但聞籍名愁苦悲號如就死地甚至携家
共逃委身自盡言之可痛見之可傷御史顏鯨欲要
改差武職固是補偏救弊之策猶非端本窮源之論
臣等博采輿情參酌膚見大抵今日之事不在免商
人之差而在體商人之情先年商人有利而無害故

其趨事也如順水而下公私均便近年商人有害而無利故其趨事也如激水而上公私咸誦至於各衛應辦銀兩其逋負者十常八九該府雖欲以時處給勢自稱難若不急為釐正不惟小民之疾苦無由申達抑且勲臣之公廩無從暴白相應酌處合候

命下將在京武成中等一十八衛應徵柴炭等項銀兩行令各衛掌印官照舊按月辦納在外保定左通州左等六十八衛所移咨順天保定巡撫都御史各另督催如原銀未完就於別項銀兩先行借轉每年務在八月以裏差官解府先赴巡視京營科道官處掛號

畢即赴該府收貯如有過限不解以致供用缺乏悉
聽巡視科道指名叅治一面備行各城御史以後三
年一次審編審編既定該府不得擅為更易商人柴
炭等項相兼派納不許專納一項以致偏累買完之
日亦赴科道掛號內府比號相同出給完票每月
十日一次該府首領官移文科道將應給銀兩公同
驗放其勒詐常例等項盡行革除一洗積弊內外官
吏伴當人等如敢仍前故違不止科道查叅即許被
害之人徑自陳訴嘉靖四十一年五月初四日題奉
聖旨是欽此

議徵永順宣慰司土兵征勦廣東逆賊疏

題為仰仗

天威急勦叛逆以靖地方事職方清吏司案呈照得廣東
饒平等處逆賊張璉等近該本部題奉

欽依選推總兵官劉顯副總兵官俞大猷統領部兵叅兵
前去廣東會同總鎮提督等官刻期掃平如果賊平
即赴福建截殺但各官所領之兵數本不多雖稱調
到狼兵聽其分布終非頭目手足之義兵家之事貴
於未戰呈乞再為查處案呈到部看得逆賊張璉等
狂悖之極已非一日削平之舉當圖萬全提督侍郎

張臬總兵官平江伯陳王謨見調狼兵十萬刻期進
勦臣等慮其群策群力尚未兼收以故題奉

欽依特遣總兵官劉顯副總兵官俞大猷統領親兵前去
接濟又令御史段顧言前去紀功仰仗

聖皇在上玄威震疊蠢茲小醜自當授首但劉顯所統部
兵俞大猷所帶叅兵大約不滿二千若待事有急緩
方議添兵相去隔遠一時不能卒至臣等切見湖廣
永順宣慰司帶銜布政司叅政彭翼南世受

國恩素開家教往年浙中倭警黃港涇沅家庄之捷甚
賴其力即今廣中多事正本官戮力圖報之秋合無

容臣等馬上差人移文湖廣總督鎮巡官即行彭翼南將永順宣慰司所屬土兵通行挑選精銳者二萬名整搦停當親自統領聽本部備行劉顯俞大猷酌量具奏如是必欲調兵本部差官賁文到彼彭翼南方許啓行如賊已平寧兵不必調亦候二臣奏至容臣等將彭翼南具實奏請

特賜金幣以為效忠之勸本部一面行湖廣督撫官仍照例坐委按察司風力官一員隨軍監督不許沿途騷擾各兵到彼悉聽劉顯俞大猷督率夾勦合用行糧犒賞等項巡撫官速行各該官司預為處備隨到隨

給其保靖兵一枝查得彭蓋臣已故遺有孤孫方在
童年無人管束中間果有情願隨軍報効者亦許本
司把目人等分領前去仍聽彭翼南節制有功之日
一體陞賞大抵今議永保之兵一則先期挑選可免
臨時張皇一則候警起發不致虛糜饋餉在廣東進
兵之前可以壯我兵之先聲在廣東進兵之後可以
收我兵之後效臣等愚見如此伏乞

聖明俯賜裁定臣等無任惶悚候命之至嘉靖四十
一年五月初九日題奉

聖旨是欽此

覆兩廣總兵官陳王謨等分哨進兵勦賊疏

題為乞請急調大兵勦滅巨賊以救十分孤危城池以靖地方大患事職方清吏司案呈奉本部送該鎮守兩廣地方總兵官征蠻將軍平江伯陳王謨提督兩廣軍務兵部右侍郎兼都察院右僉都御史張梟揭帖前事通送到司案呈到部看得兩廣總兵官陳王謨提督侍郎張梟揭報前因大意謂饒平大埔二縣逆賊張璉等極惡窮兇悖逆已甚見今調到漢達土官軍兵打手銃手人等酌量派為五大哨中大哨東蘭向武奉議三州土官自兵等共一萬五千有奇內

分四小哨俱從烏撻等處進勦後大哨那地田州三
州土官目兵等共一萬五千八百有奇內分三小哨
俱從大埔等縣進勦右大哨思明歸順下石西遷隆
江州都康等府州峒土官目兵等共一萬三千七百
有奇內分二小哨俱從湖寮等處進勦前大哨泗城
鎮安上林等府州司土官目兵等共一萬一千有奇
內分二小哨俱從饒平縣教場等處進勦左大哨東
莞烏輦哨馬等船後生兵夫人等共一萬一千四百
有奇俱於潮州府附近黃山坑暫紮又約會江西南
贛福建各軍門督發平和詔安二哨官兵尅定四月

十八日卯時一齊抵巢按圖夾攻又恐玉石俱焚妄殺平人各給榜示招散脅從有能執縛元惡張璉等許以重賞仍奏請量陞官職中間如紀功監督統督錢糧一切事宜據其揭報似屬詳明但兵家之事朝夕異宜俱非臣等所敢遙制除馬上差官賫文前去鎮巡等官處如擬施行務期元惡就擒小民安堵以慰我

皇上南顧之懷外
嘉靖四十一年五月初十日題奉
聖旨是着鎮巡官刻期勦平具奏欽此

議發馬價銀兩買給遼東軍民糴子疏

題為遼寇少寧乞 恩處給種子及時佈種事職方清
吏司案呈照得遼東地方自督視軍情本部左侍郎
葛縉出關以來零寇遠遁商旅通行且雨澤霑足田
土膏腴但居人貧苦多無種子呈乞查處紮呈到部
看得遼東一鎮素稱富庶乃今十室九空蕭條特甚
大要其端有二其一則連年亢旱不能耕歛其二則
諸虜侵軼不敢耕歛茲者仰賴

聖皇在上誠感玄穹天雨時若特遣大臣 天威丕振計
今五月六月尚可佈種糜子但所在軍民十分貧窘
或有牛無種或有種無牛棲息閭閻徒切慨嘆臣等

私憂過計若使得如臣等春初宣大薊州之議各給以種所費不多所利甚大相應速為酌處合候

命下本部創行太僕寺於馬價銀內動支一萬兩差官解送侍郎葛縉會同巡撫都御史吉澄責成守巡兵備等官不分遼東遼西委官收買糜種量其家力分等借給合用牛隻官為勸處令其趁時耕種秋成之日抵斗還官另立小倉收貯專備來年給種支用

四十一年五月十三日題奉

聖旨是欽此

楊襄毅公本兵疏議卷八終